

JAVNI POZIV ZA ZAKLJUČENJE VANSUDSKE NAGODBE

Vlada FBiH poziva zainteresirane zaposlene u organima i institucijama Federacije Bosne i Hercegovine, odnosno njihove ovlaštene opunomoćenike, umirovljelnike i advokatske kancelarije na zaključenje Ugovora o vansudskoj nagodbi za izmirenje obaveza utvrđenih pravosnažnim i izvršnim sudskim odlukama prema uposlenicima i umirovljenicima federalnih organa i institucija (u daljem tekstu ugovor o vansudskoj nagodbi) iz oblasti radnih odnosa. Poziv se odnosi na sve one koji imaju svojstvo tužitelja tj. tražitelja izvršenja (uposlenici, umirovljenici ili njihovi ovlašteni opunomoćenici) i tražitelje izvršenja-advokatske kancelarije kojima su dosuđena potraživanja na ime troškova sudskog parničnog i izvršnog postupka vođenog radi naplate potraživanja iz radnih odnosa.

Sredstva za finansiranje potraživanja iz radnih odnosa po osnovu zaključenja ugovora o vansudskoj nagodbi predviđena su u Budžetu Federacije BiH za 2019.g. u visini od 17 mil KM, a ista će biti isplaćena po redosljedu prijema validno popunjenih i potpisanih zahtjeva i ugovora o vansudskoj nagodbi (vidi dole).

Predmet Ugovora o vansudskoj nagodbi su sva (ukupna) potraživanja tužitelja tj. izvršenika ili advokatskih kancelarija koja se potražuju zaključno sa 30.06.2019.g., a po osnovu pravosnažnih i izvršnih sudskih odluka iz radnih odnosa. Zainteresirani tužioci/izvršenici i advokatske kancelarije dužni su u roku od 90 dana od dana objavljivanja Javnog poziva za zaključenje vansudske nagodbe (u nekim od dnevnih novina) postupiti na slijedeći način:

- podnijeti Zahtjev za zaključenje ugovora o vansudskoj nagodbi (u daljem tekstu zahtjev) kao i 4 (četiri) primjerka potpisanog Ugovora o vansudskoj nagodbi,
- Zahtjev za zaključenje ugovora o vansudskoj nagodbi, zajedno sa ugovorima o vansudskoj nagodbi predati na protokol (služba za prijem pošte) tuženog organa tj. institucije Federacije Bosne i Hercegovine kao dužnika tj. izvršenika zajedno sa slijedećim dokumentima:
 - kopiju/kopije pravomoćnih i izvršnih sudskih odluka tj. presude sa prijedlogom za izvršenje u 1 (jednom) primjerku,
 - fotokopiju ovjerene lične karte uposlenika ili umirovljenika u 1 (jednom) primjerku,
 - punomoć za zastupanje u slučaju da se na strani uposlenika ili umirovljenika kao potpisnik ugovora o vansudskoj nagodbi pojavljuje opunomoćenik u 1 (jednom) primjerku,
 - rješenje o naslijeđivanju u slučaju da se nasljednik uposlenika ili umirovljenika pojavljuje kao potpisnik ugovora o vansudskoj nagodbi u 1 (jednom) primjerku,
 - rješenje o upisu advokatske kancelarije u Imenik advokatske kancelarije kod nadležne advokatske komore, ne starije od 3 (tri) mjeseca i to u 1 (jednom) primjerku.

Tipski formulari zahtjeva i ugovora za zaključenje vansudske nagodbe se mogu preuzeti sa webstranice Vlade FBiH (www.fbihvlada.gov.ba). Samo oni zahtjevi koji sadrže pravilno popunjene tipske formulare, potpunu i validnu dokumentaciju i koji budu predati na vrijeme biti će uzeti u razmatranje. Za sve dodatne informacije potrebno je nazvati pravnu službu tuženog organa tj. institucije Federacije Bosne i Hercegovine.

Vlada Federacije Bosne i Hercegovine